

Na osnovu Izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika budžeta Federacije Bosne i Hercegovine za 2020. godinu, broj: 04/1-02-227/22-1 od 28.01.2022. godine, koji je, zajedno sa predloženim zaključcima usvojen na 30. redovnoj sjednici Predstavničkog doma Parlamenta FBiH te na 12. vanrednoj sjednici Doma naroda Parlamenta FBiH od 12.04.2022. godine, a obzirom na Zaključke pod tačkom 9. iz navedenog Izvještaja, Uprava JP Elektroprivreda Bosne i Hercegovine d. d. - Sarajevo, na 183. sjednici održanoj 24.05.2022. godine, donosi:

**PROGRAM AKTIVNOSTI I MJERA NA PROVOĐENJU PREPORUKA
IZ IZVJEŠTAJA O FINANSIJSKOJ REVIZIJI
JP ELEKTROPRIVREDA BIH D.D. - SARAJEVO ZA 2020. GODINU**

Ured za reviziju institucija u Federaciji Bosne i Hercegovine proveo je reviziju poslovanja JP Elektroprivreda BiH d.d. – Sarajevo za 2020. godinu i u skladu sa tim dostavio Izvještaj o finansijskoj reviziji broj: 01-02-09-11-4-2040-6/20 iz septembra 2021. godine.

U tom Izvještaju je za finansijske izvještaje za 2020. godinu dato negativno mišljenje, a kao osnova za negativno mišljenje navedeno je:

- 1. Na datum bilansa nije izvršena procjena umanjenja vrijednosti sredstava u dijelu ulaganja u zavisna društva, iskazanih u iznosu od 414.803.402 KM, i investicija u toku u iznosu od najmanje 30.516.693 KM, na kojima nije bilo promjena u 2020. godini, kao ni u prethodne dvije godine (od kojih je najznačajnija investicija u HE Vranduk – 21.952.783 KM), što nije u skladu sa MRS-om 36 – Umanjenje vrijednosti sredstava. To može imati za posljedicu da je nadoknadivi iznos sredstava manji od njihove knjigovodstvene vrijednosti, odnosno da su sredstva i finansijski rezultat za 2020. godinu precijenjeni (tačka 7.2.1 Izvještaja).*
- 2. Društvo nije izvršilo procjenu očekivanih kreditnih gubitaka za date avanse zavisnim društvima – rudnicima u iznosu od 61.144.842 KM, koji su stariji od 365 dana, u skladu sa zahtjevima MSFI-ja 9 – Finansijski instrumenti. Navedeno može imati za posljedicu da su za ovaj iznos rashodi podcijenjeni, a imovina (potraživanja) i finansijski rezultat precijenjeni (tačka 7.2.2.1 Izvještaja).*

Istaknuto je i sljedeće pitanje:

- Vrijednost sudskih sporova koji se vode protiv Društva iznosi 35.938.852 KM. Ta vrijednost ne uključuje arbitražni postupak Konzorcija Strabag AG Austrija i Končar d.d. Zagreb u iznosu od 20.076.947 EUR. društvo je procijenilo da arbitražno vijeće neće donijeti odluku do kraja 2021. godine, zbog čega nije izvršilo rezervisanje po ovom sporu (tačke 7.2.1 i 9. Izvještaja).

Što se tiče revizije usklađenosti, tu je u Izvještaju dato mišljenje sa rezervom, a kao osnova za mišljenje s rezervom navedeno je:

- 1. Tenderska dokumentacija za nabavku autohtone riblje mlađi/ ribe za poribljavanje ribolovnih zona voda sliva rijeke Neretve nije sačinjena u skladu sa Zakonom o javnim nabavkama i podzakonskim propisima, niti su postupci pokrenuti blagovremeno, što je za posljedicu imalo da nisu provedeni za 2020. godinu. Zbog toga Društvo nije osiguralo nesmetano poribljavanje kako nalaže Zakon o slatkovodnom ribarstvu. Društvo je uslijed nerealizacije ovih nabavki za period od 2016. do 2018. godine, zbog sudskih presuda i Sporazuma sa ribolovnim udruženjima, u 2020. godini iskazalo troškove u iznosu od 734.600 KM (tačka 8.2 Izvještaja).*

2. Nabavke roba, usluga i radova u iznosu od najmanje 8.441.046 KM nisu vršene u skladu sa odredbama Zakona o javnim nabavkama zbog neblagovremenog pokretanja postupaka, pogrešnog odabira postupka i propusta kod sačinjavanja tenderske dokumentacije (tačka 8.3 Izvještaja).

Također, istaknuta su sljedeća pitanja:

- Na poziciji investicija u toku iskazana su ulaganja u iznosu od 84.956.692 KM za izgradnju Bloka 7 Termoelektrane Tuzla, na osnovu Odluke Vlade FBiH od 08.03.2010. godine. Realizacija predmetnog Ugovora obustavljena je usljed obavještenja Izvođača o odustajanju podizvođača za isporuku turbine, kotla i generatora. S obzirom na to da Društvo ne pristaje na ponuđena alternativna rješenja, skrećemo pažnju na potrebu hitnog rješavanja statusa ove investicije u skladu sa zaključenim ugovorom, čije odgađanje može prouzrokovati štetu i dodatne troškove za Društvo kao nosioca aktivnosti (tačka 7.2.1 Izvještaja)
- Društvo nije u skladu sa planiranom dinamikom realizovalo aktivnosti na implementaciji projekata SCADA/DMS/OMS, VE Podveležje i HE Janjići, zbog: nekompatibilnosti operativnog sistema sa virtualizacijskom platformom postojećeg data centra, nemogućnosti obezbjeđenja dozvola za pojedine dionice telekomunikacijske infrastrukture, nepravovremenog dobivanja potrebnih saglasnosti nadležnih institucija, složenih procedura evaluacije pristiglih ponuda za ključnu opremu u skladu sa smjernicama kreditora, kašnjenja u izradi idejnog projekta, neispunjavanja kriterija iz tenderske dokumentacije i sl., a koji su za posljedicu imali plaćanje taksi na nepovučena sredstva u iznosu od 417.538 KM (tačka 7.2.4.1 Izvještaja).

U Izvještaju o provedenoj reviziji u JP Elektroprivreda BiH d.d. – Sarajevo, naveden je rezime datih 14 preporuka:

1. Prijem u radni odnos vršiti u skladu sa Zakonom o radu, s ciljem osiguranja transparentnosti i jednakog pristupa zapošljavanju, a u slučaju potrebe dosljedno primjenjivati Uredbu o postupku prijema u radni odnos u javnom sektoru u FBiH.

2. Vlada FBiH treba inicirati da Program prestrukturiranja elektroenergetskog sektora u FBiH usvoji zakonodavna vlast (Dom naroda, Parlament BiH).

3. Uprava Društva treba na godišnjem nivou razmotriti plan poslovanja te, u slučaju potrebe, a u skladu s njegovim ciljevima, revidirati i prilagoditi ga kretanju na komercijalnom tržištu, kako nalaže Zakon o javnim preduzećima u FBiH.

4. Potrebno je da organi upravljanja Društvom poduzmu hitne aktivnosti na rješavanju statusa investicije Bloka 7 TE Tuzla.

5. Analizirati izvršena ulaganja i realizovane aktivnosti u HE Vranduk s ciljem pravilnog knjigovodstvenog evidentiranja investicije u poslovnim knjigama.

6. Na datum bilansa vršiti procjenu postoje li bilo kakvi pokazatelji da je vrijednost nekih investicija u toku umanjena, odnosno procjenu nadoknadive vrijednosti takvih sredstava, u skladu sa zahtjevom MRS-a 36 – Umanjenje vrijednosti sredstava.

7. Nastaviti aktivnosti vezane za rješavanje imovinsko-pravnih odnosa za cjelokupnu imovinu, obezbjediti valjanu dokumentaciju i izvršiti usklađivanje knjigovodstvenih evidencija sa zemljišnim knjigama.

8. Preispitati valjanost datih avansa zavisnim društvima – rudnicima, za potraživanja starija od godinu dana izvršiti procjenu očekivanih kreditnih gubitaka u skladu sa MSFI 9 – Finansijski instrumenti, radi fer i tačnog iskazivanja imovine (potraživanja) i finansijskog rezultata.

9. Poduzimati aktivnosti na pravovremenoj realizaciji projekata koji se finansiraju iz kreditnih sredstava, kako bi se izbjegli troškovi taksi na nepovučena sredstva.

10. Osigurati pravovremeno pokretanje postupaka javnih nabavki, uz primjenu odgovarajućeg postupka, kako bi se vezali za period za koji je predviđena nabavka, u skladu sa Zakonom o javnim nabavkama i ostalim važećim propisima. U slučaju značajnog odstupanja između planiranih i realizovanih javnih nabavki, blagovremeno sačiniti izmjene i dopune Plana javnih nabavki.

11. Tendersku dokumentaciju i provođenje postupka nabavke autohtone riblje mlađi/ ribe za poribljavanje ribolovnih zona voda sliva rijeke Neretve sačinjavati u skladu sa zakonskim i podzakonskim propisima, kako bi se te nabavke mogle realizovati i izvršiti poribljavanje u skladu sa Zakonom o slatkovodnom ribarstvu, te kako bi se izbjegle eventualne tužbe protiv Društva.

12. Pregovaračke postupke javnih nabavki sa i bez obavještenja provoditi u skladu sa članovima 20-24. Zakona o javnim nabavkama, kojima je jasno definisano u kojim slučajevima se mogu provoditi ovi postupci.

13. Tendersku dokumentaciju sačinjavati na način da se svim potencijalnim ponuđačima omogući jednak tretman i nediskriminacija, u skladu s članom 54. Zakona o javnim nabavkama.

14. Planirati i provesti zamjenu postojećih brojila pametnim brojlama i njihovo povezivanje u sisteme nadzora i kontrole s ciljem tačnijeg obračuna i bolje kontrole potrošnje električne energije.

U skladu sa već donešenim zaključcima organa Društva učinjeni su koraci ka realizaciji preporuka i otklanjaju osnova za negativno mišljenje odnosno mišljenje sa rezervom. Planom poslovanja JP Elektroprivreda BiH d.d. Sarajevo za period 2022.-2024. godina se, kao jedna od najvažnijih aktivnosti u narednom periodu, daje zadatak organima Društva i radnicima da poduzmu sve potrebne mjere i aktivnosti iz svoje nadležnosti, kako bi se Preporuke iz Izvještaja Ureda za reviziju institucija u Federaciji BiH za 2020. godinu ispoštovale te u narednom revizorskom izvještaju Ureda bile u najvećoj mogućoj mjeri otklonjene.

Također, u skladu sa Zaključkom broj 9.3 iz Izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika Budžeta Federacije BiH za 2020. godinu (Izvještaj od 28.01.2022. g.) definišu se 2 grupe prioriteta na realizaciji Preporuka iz Izvještaja Ureda za reviziju institucija u FBiH i to:

- a) Aktivnosti koje je moguće provesti tokom 2022. godine gdje se planira provesti Preporuke pod rednim brojevima 1., 3., 4., 5., 6., 8., 10., 11., 12. i 13
- b) Aktivnosti koje je moguće pokrenuti ili nastaviti sa istim (obzirom da su neke već i pokrenute u ranijem periodu) tokom 2022. godine, a odnose se na provedbu Preporuka pod rednim brojevima 7., 9. i 14., te preporuka pod brojem 2. koja se odnosi na Vladu Federacije BiH

U nastavku je dat tabelarni prikaz

- već realizovanih/poduzetih aktivnosti i mjera (sa datumom 15.05.2022. godine, vezano za realizaciju Zaključka broj 9.2)
- budućih mjera i rokova za realizaciju po navedenim preporukama (vezano za realizaciju zaključaka 9. i 9.1)

Realizovane/poduzete aktivnosti i mjere te buduće mjere sa rokovima za realizaciju po navedenim preporukama

Red Br.	Preporuka	Aktivnosti i mjere urađene do 15.05.2022.g.	Aktivnosti i mjere planirane u narednom periodu i rokovi realizacije
	1	2	3
1	<i>Prijem u radni odnos vršiti u skladu sa Zakonom o radu, s ciljem osiguranja transparentnosti i jednakog pristupa zapošljavanju, a u slučaju potrebe dosljedno primjenjivati Uredbu o postupku prijema u radni odnos u javnom sektoru u FBiH.</i>	<p>Nadzorni odbor i Uprava Društva su blagovremeno izvršili usklađivanje općih normativnih akata Društva sa Zakonom o radu i Uredbom Vlade FBiH o postupku prijema u radni odnos u javnom sektoru FBiH.</p> <p>Društvo je, dakle, donijelo opće akte kojima se propisuje obavezno provođenje javne oglasne procedure prilikom prijema u radni odnos, uz izuzetke prijema na određeno vrijeme koji su striktno propisani Uredbom Vlade FBiH.</p>	<p>Aktivnosti: Dosljedno primjenjivanje Zakona o radu, Uredbe o postupku prijema u radni odnos u javnom sektoru FBiH i općih akata Uprave i Nadzornog odbora EP BiH.</p> <p>Rok: Kontinuirano provoditi ovu aktivnost.</p>
2	<i>Vlada FBiH treba inicirati da Program prestrukturiranja elektroenergetskog sektora u FBiH usvoji zakonodavna vlast (Dom naroda, Parlament BiH).</i>	<p>EP BiH je već poduzela sljedeće aktivnosti u pravcu prestrukturiranja: urađena je i od nadležnih organa EP BiH je usvojena dokumentacija/opći akti za organizaciono razdvajanje Djelatnosti distribucije unutar EP BiH kao pravnog subjekta i ista treba u cjelosti da zaživi do kraja 2022. godine.</p> <p>(u pripremi je novi Zakon o električnoj energiji koji bi mogao na drugačiji način odrediti nadležnosti za donošenje Programa prestrukturiranja)</p>	<p>Aktivnosti: Preporuka se odnosi na odnosi na Vladu Federacije BiH.</p> <p>EP BiH će postupati onako kako bude propisano u Programu prestrukturiranja elektroenergetskog sektora u FBiH, odnosno eventualno u novom Zakonu o električnoj energiji u FBiH.</p> <p>Rok: Kakvi budu definisani u Programu prestrukturiranja elektroenergetskog sektora u FBiH odnosno eventualnom novom Zakonu o električnoj energiji u FBiH.</p>
3	<i>Uprava Društva treba na godišnjem nivou razmotriti plan poslovanja te, u slučaju potrebe, a u skladu s njegovim ciljevima, revidirati i prilagoditi ga kretanju na komercijalnom tržištu, kako nalaže Zakon o javnim preduzećima u FBiH.</i>	<p>U toku 2021. godine (krajem maja) usvojen je Revidovani plan poslovanja za period 2021-2023. godina koji je u priličnoj mjeri uvažio uticaj tada evidentnih izmjena cijena energije na regionalnom tržištu na prihode koji se planiraju kroz djelatnost trgovine za 2022. i 2023. godinu.</p> <p>Nakon toga je došlo do dodatnih promjena i do kraja 2021. godine je urađeno još jedno revidovanje plana (usvojen u decembru 2021.) koje se prvenstveno odnosilo na 2021. godinu radi promjena okolnosti u poslovanju u 2021. godini</p>	<p>Aktivnosti: U narednom periodu će se provoditi ova preporuka na način da će se u situacijama kada dođe do značajnih cjenovnih odstupanja (prvenstveno kod prodajnih i nabavnih cijena električne energije) te većih odstupanja u realizaciji EEB-a, vršiti revidovanje plana na godišnjem nivou.</p> <p>Rok: Kontinuirano, do kraja 2022. godine, ali i kasnije</p>
4	<i>Potrebno je da organi upravljanja Društvom poduzmu hitne aktivnosti</i>	<p>Na osnovu Zaključka Vlade Federacije BiH V broj: 1660/2021 sa 289. sjednice održane 04.11.2021. godine, EP BiH je zadužena da nastavi pregovore sa EPC Izvođačem s ciljem</p>	<p>Aktivnosti: Nakon završetka Izvještaja Stručnog tima, njegovog usvajanja od strane Uprave i Nadzornog odbora EP BiH isti</p>

	<p><i>na rješavanju statusa investicije Bloka 7 TE Tuzla.</i></p>	<p>realizacije EPC Ugovora sa novim podizvođačima ključne opreme za izgradnju bloka 7 u TE Tuzla. Shodno tome, Generalni direktor EP BiH je 04.02.2022.g. izdao Rješenje broj: 01-07-3446/2022 o formiranju Stručnog tima za tehničku ocjenu alternativnih podizvođača ključne opreme iz EPC Ugovora za izgradnju Bloka 7 - 450 MW u TE Tuzla. Aktivnosti Stručnog tima na ocjeni alternativnih podizvođača ključne opreme iz EPC Ugovora za izgradnju bloka 7 su u završnoj fazi i trebale bi biti završene do kraja maja 2022. g</p>	<p>će biti dostavljen Federalnom ministarstvu energije, rudarstva i industrije, Vladi Federacije BiH i Parlamentu Federacije BiH koji će donijeti konačnu odluku o statusu izgradnje bloka 7.</p> <p>Rok: Kontinuirano</p>
<p>5</p>	<p><i>Analizirati izvršena ulaganja i realizovane aktivnosti u HE Vranduk s ciljem pravilnog knjigovodstvenog evidentiranja investicije u poslovnim knjigama.</i></p>	<p>Planom poslovanja EP BiH za period 2022.-2024.g. izvršeno je rezervisanje sredstava po osnovu sudskih sporova, kao i planirani rashodi za dio ulaganja koja u eventualnom nastavku realizacije projekta neće biti valorizovana. U toku perioda I-III već su izvršena odgovarajuća ukalkulisavanja očekivanih rashoda vezano za ovo.</p>	<p>Aktivnosti: U toku 2022. godine analizirat će se status projekta po svim njegovima aspektima te iskazati adekvatna knjigovodstvena vrijednost ovog projekta u poslovnim knjigama. U nastavku 2022. godine provodit će se ukalkulisavanja potencijalnih rashoda u vezi HE Vranduk, a po okončanju analize, biće izvršena odgovarajuća knjiženja.</p> <p>Rok: Kontinuirano do okončanja procesa i utvrđivanja statusa dosadašnjih ulaganja u nastavku realizacije projekta, najkasnije 31.12.2022. godine</p>
<p>6</p>	<p><i>Na datum bilansa vršiti procjenu postoje li bilo kakvi pokazatelji da je vrijednost nekih investicija u toku umanjena, odnosno procjenu nadoknadive vrijednosti takvih sredstava, u skladu sa zahtjevom MRS-a 36 – Umanjenje vrijednosti sredstava.</i></p>	<p>Preporuka je već ispoštovana kod godišnjeg obračuna za 2021. godinu (na datum bilansa 31.12.2021. godine). Sredinom novembra 2021. g. nadležnim rukovodiocima u podružnicama i Direkciji je naloženo da se poduzmu aktivnosti u vezi investicija u toku koje bi rezultirale što realnijim stanjem investicija u toku sa krajem 2021. godine. Također, data je i instrukcija da je u slučajevima gdje se odustalo od projekta i gdje se pouzdano zna da neće biti daljih ulaganja, potrebno iznos investicija u toku tretirati kroz Elaborat o popisu i u konačnici preknjižiti na rashod. Društvo kvartalno sagledava stanje i starosnu strukturu investicija u toku, te se sa krajem marta 2022. može konstatovati napredak u ovom segmentu.. Svaki kvartal se prati i analizira kretanje investicija u toku te promjene u odnosu na prethodnu kvartal i stanje sa kraja prethodne godine. Planom poslovanja su predviđeni potencijalni rashodi, te su na osnovu istog izvršena i ukalkulisavanja rashoda u periodu I-III 2022.g</p>	<p>Aktivnosti: Kvartalno će se sagledavati stanje investicija u toku te poduzimati mjere koje će obezbjediti realnu vrijednost pozicija investicija u toku na svaki datum bilansa.</p> <p>Rok: Kontinuirano, do kraja 2022. godine, ali i kasnije</p>

7	<p><i>Nastaviti aktivnosti vezane za rješavanje imovinsko-pravnih odnosa za cjelokupnu imovinu, obezbjediti valjanu dokumentaciju i izvršiti usklađivanje knjigovodstvenih evidencija sa zemljišnim knjigama.</i></p>	<p>Aktivnosti se provode kontinuirano, jer se radi o aktivnostima koje i traju duže u svakom konkretnom predmetu/slučaju. Rješavanje istih često zavisi od javnih organa (sudovi, općina i sl.). Većina predmetne problematike se odnosi na distributivne podružnice, te na nekretnine koje se vežu za investicije u distributivnoj djelatnosti.</p> <p>Takođe, većina nekretnina sa ovom problematikom se odnosi na objekte koji su izgrađeni u ranijem periodu, dok se za nove objekte provode aktivnosti predviđene zakonima, podzakonskim propisima i internim aktima.</p> <p>U kontekstu unaprijeđenja rješavanja imovinsko-pravnih odnosa, novim Pravilnikom o organizaciji Društva usvojenim početkom 2021.godine, je definisano da se u distributivnim podružnicama (gdje je ovaj problem najizraženiji) u okviru Službe za imovinsko pravne odnose formiraju posebna Odjeljenja za postojeću imovinu koja bi se bavila isključivo rješavanjem problematike vezane za postojeće objekte i nekretnine.</p> <p>U proteklom periodu Društvo je provodilo aktivnosti na uvođenju i uređenju baza podataka o imovinsko-pravnim odnosima za elektroenergetske objekte, a u narednom periodu će biti izvršena dodatna unaprijeđenja baza podataka.</p> <p>Bitno je naglasiti da EP BiH za sve svoje objekte ima miran posjed kao faktično stanje, te u tom smislu i nema ometanja od strane trećih lica u pristupu svojim nekretninama.</p>	<p>Aktivnosti: Finalizirati sve aktivnosti oko uspostave baza podataka o nekretninama i imovinsko-pravnim odnosima, te kontinuirano provoditi aktivnosti na unosu podataka, izvještavanju i sl. Nastaviti kontinuirano rješavanje imovinsko-pravnih odnosa kako za postojeće tako i za objekte koji se grade. Nakon rješavanja imovinsko-pravnih odnosa, putem nadležnih službi za računovodstvo provesti sve aktivnosti koje se odnose na usklađivanje u knjigovodstvenim evidencijama.</p> <p>Rok: Kontinuirano.</p>
8	<p><i>Preispitati valjanost datih avansa zavisnim društvima – rudnicima, za potraživanja starija od godinu dana izvršiti procjenu očekivanih kreditnih gubitaka u skladu sa MSFI 9 – Finansijski instrumenti, radi fer i tačnog iskazivanja imovine (potraživanja) i finansijskog rezultata.</i></p>	<p>Pokrenute su aktivnosti u vezi nabavke usluge procjene vrijednosti udjela u zavisnim društvima rudnicima uglja na dan 31.12. 2021. godine. U Plan nabavki EP BiH za 2022. godinu je uvrštena procijenjena vrijednost za ovu nabavku od 200 hilj. KM.</p> <p>Uprava Društva je na sjednici održanoj 24. maja 2021. godine donijela Operativni akcioni plan restrukturiranja rudnika uglja. Skupština Društva je na 69. sjednici održanoj 25. maja 2021. godine donijela Odluku o pretvorbi uplaćenih a neopravdanih avansa zavisnim društvima-rudnicima uglja u</p>	<p>Aktivnosti: Potpisivanjem Ugovora o preuzimanju udjela u sedam rudnika između Vlade FBiH i EP BiH 2009. godine i formiranjem Koncerna preuzeta neriješena stanja obaveza i potraživanja iz prethodnih perioda. Rješavanje zatečenih problema zahtijeva aktivno učešće Vlade, resornog Ministarstva i samih rudnika kao zasebnih pravnih lica, a ne samo EP BiH, kao vladajućeg društva. Nedostaci na koje je ukazano u Izvještaju za 2020. godinu nisu nastali samo u toj godini, nego su rezultat poslovanja u prethodnim periodima i kao takvi se ne mogu korigovati u kratkom vremenskom</p>

		<p>dugoročne pozajmice (na osnovu koje su potpisani pojedinačni ugovori sa zavisnim društvima – rudnicima) i Odluku o odobravanju sredstava za davanje pozajmica zavisnim društvima-rudnicima uglja za potrebe finansiranja podsticajnih mjera sporazumnog prestanka o radu, zaostalih obaveza za doprinose PIO/MIO i doprinosa za nezaposlene, finansiranje troškova za prekvalifikaciju/dokvalifikaciju radnika i finansiranje izmirenja ostalih troškova poslovanja iz prethodnog perioda, a sve sa ciljem implementacije aktivnosti na restrukturiranju rudnika. U skladu sa Odlukom o pretvorbi uplaćenih a neopravdanih avansa zavisnim društvima-rudnicima uglja u dugoročne pozajmice Društvo je izvršilo korekciju ulaznog PDV-a u prijavi za mjesec maj 2021. godine i uplatilo iznos od 32.870 hiljada KM po tom pitanju.</p> <p>Na dan 31.12.2021. godine izvršena je ispravka vrijednosti datih avansa, koji su pretvoreni u pozajmice, u iznosu od 162 mil KM. Od navedenog iznosa u prethodnim godinama (zaključno sa 2020. godinom) je teretilo rashode 97.870 hilj KM dok je na rashode 2021. godine evidentiran iznos od 64.265 hilj KM. Za 2022. godinu je planirano da se ispravi na teret rashoda ostatak od 33,3 mil KM čime bi ukupan iznos datih avansa/pozajmica bio ispravljen.</p> <p>Na osnovu istog izvršena i ukalkulisavanja očekivanih rashoda po ovom osnovu u periodu I-III 2022.g</p>	<p>roku. Otklanjanje primjedbi datih u Izvještaju, odnosno prikazivanje fer i objektivnog stanja je cilj čija se realizacija može postići učestvovanjem svih zainteresiranih strana u procesu.</p> <p>U narednim mjesecima 2022. godine nastaviti će se sa ukalkulisavanjem očekivanih rashoda po ovom osnovu za 2022 .godinu</p> <p>Rok: Kontinuirano, do kraja 2022. godine, ali i kasnije</p>
9	<p><i>Poduzimati aktivnosti na pravovremenoj realizaciji projekata koji se finansiraju iz kreditnih sredstava, kako bi se izbjegli troškovi taksi na nepovučena sredstva.</i></p>	<p>Nadležnim organima je upućen prijedlog sporazumnog raskida kreditnih sporazuma za projekte koji u razumnom roku neće iz statusa pripreme preći u status realizacije, čime bi se izbjegli dodatni troškovi za nepovučena sredstva.</p> <p>Za projekte čija realizacija je u zastoju zatražena je institucionalna podrška za prevazilaženje problema.</p>	<p>Aktivnosti: Analiza mogućnosti realizacije projekata u trenutnim okolnostima.</p> <p>Rok: Kontinuirano</p>
10	<p><i>Osigurati pravovremeno pokretanje postupaka javnih nabavki, uz primjenu odgovarajućeg postupka, kako bi se vezali za period za koji je predviđena nabavka, u skladu sa Zakonom o javnim nabavkama i</i></p>	<p>EP BiH u većini slučajeva pokreće nabavku u rokovima i dinamikom određenom u Planu nabavki. Da bi racionalno i efikasno poslovali, a u situaciji ograničenih finansijskih sredstava nabavke se moraju vršiti po prioritetima, tako da se u toku godine od nekih nabavki mora odustati, ako se u međuvremenu pojave prioritetnije i važnije nabavke. Osim</p>	<p>Aktivnosti: Nastaviti dosljedno i u potpunosti primjenjivati Zakon o javnim nabavkama u svim segmentima.</p> <p>Rok: Kontinuirano, do kraja 2022. godine, ali i kasnije</p>

	<p><i>ostalim važećim propisima. U slučaju značajnog odstupanja između planiranih i realizovanih javnih nabavki, blagovremeno sačiniti izmjene i dopune Plana javnih nabavki.</i></p>	<p>toga, realizacija Plana nabavki nije samo u direktnoj ovisnosti od raspoloživih finansijskih sredstava, nego i mnogih drugih složenih okolnosti na koje EP BiH ne može uticati.</p> <p>Napomene radi, u toku 2020. godine Plan nabavki izmjenjen je 26 puta, gdje se dodavane određene nabavke, odustajalo se od određenih nabavki, vršile su se izmjene procijenjene vrijednosti određenih nabavki itd. To jasno pokazuje da su se blagovremeno preduzimale aktivnosti da Plan nabavke bude što realnije usklađen sa trenutnim mogućnostima za nabavku određenih roba/usluga/radova.</p>	
11	<p><i>Tendersku dokumentaciju i provođenje postupka nabavke autohtone riblje mlađi/ ribe za poribljavanje ribolovnih zona voda sliva rijeke Neretve sačinjavati u skladu sa zakonskim i podzakonskim propisima, kako bi se te nabavke mogle realizovati i izvršiti poribljavanje u skladu sa Zakonom o slatkovodnom ribarstvu, te kako bi se izbjegle eventualne tužbe protiv Društva.</i></p>	<p>EP BiH je tendersku dokumentaciju i provođenje postupka nabavke autohtone riblje mlađi/ ribe za poribljavanje ribolovnih zona voda sliva rijeke Neretve za 2021. godinu sačinila u skladu sa važećim zakonskim i podzakonskim propisima.</p> <p>Nakon dobijanja Saglasnosti Federalnog ministarstva PViŠ na godišnje programe unapređenja ribarstva za 2021. godinu (saglasnost za USR „Neretva 1933“ Mostar data 15.02.2021. godine), EP BiH je blagovremeno dana 12.03.2021. godine pokrenula predmetne nabavke. Zbog kontinuiranih žalbi ponuđača na TD, te vremena potrebnog da URŽ presudi po istim, EP BiH nije uspjela da ugovori predmetnu nabavku. Napominjemo da su sve žalbe ponuđača na TD odbačene od strane URŽ-a kao neosnovane.</p> <p>EP BiH je tendersku dokumentaciju i provođenje postupka nabavke autohtone riblje mlađi/ ribe za poribljavanje ribolovnih zona voda sliva rijeke Neretve za 2022. godinu pokrenula 25.04.2022. godine, a žalba na TD je uložena 11.05.2022. godine.</p>	<p>Aktivnosti: Nastaviti dosljedno i u potpunosti primjenjivati Zakon o javnim nabavkama u svim segmentima.</p> <p>Rok: Kontinuirano, do kraja 2022. godine, ali i kasnije</p>
12	<p><i>Pregovaračke postupke javnih nabavki sa i bez obavještenja provoditi u skladu sa članovima 20-24. Zakona o javnim nabavkama, kojima je jasno definisano u kojim slučajevima se mogu provoditi ovi postupci.</i></p>	<p>EP BiH u potpunosti primjenjuje Zakon o javnim nabavkama u svim potupcima nabavke roba, usluga i radova.</p>	<p>Aktivnosti: Nastaviti dosljedno i u potpunosti primjenjivati Zakon o javnim nabavkama u svim segmentima</p> <p>Rok: Kontinuirano, do kraja 2022. godine, ali i kasnije</p>

13	<p><i>Tendersku dokumentaciju sačinjavati na način da se svim potencijalnim ponuđačima omogući jednak tretman i nediskriminacija, u skladu s članom 54. Zakona o javnim nabavkama.</i></p>	<p>Tenderska dokumentacija se priprema u skladu sa Zakonom o javnim nabavkama i podzakonskim aktima u svim postupcima nabavke roba, usluga i radova.</p>	<p>Aktivnosti: Nastaviti dosljedno i u potpunosti primjenjivati Zakon o javnim nabavkama u svim segmentima</p> <p>Rok: Kontinuirano, do kraja 2022. godine, ali i kasnije</p>
14	<p><i>Planirati i provesti zamjenu postojećih brojila pametnim brojlilima i njihovo povezivanje u sisteme nadzora i kontrole s ciljem tačnijeg obračuna i bolje kontrole potrošnje električne energije.</i></p>	<p>Zamjena postojećih brojila „pametnim“ brojlilima i njihovo povezivanje u sisteme nadzora i kontrole se odvija u skladu sa raspoloživim finansijskim sredstvima. Od ukupno 786.856 mjernih mjesta u distributivnom sistemu do sada je u sistemu daljinskog očitavanja i upravljanja brojlilima 119.269 mjernih uređaja kupaca, od čega je 102.933 mjernih mjesta iz kategorije Domaćinstva i 16.336 kupaca iz kategorije Ostala potrošnja sa priključnom snagom većom od 23 kW. Da bi se sva brojila prebacila na daljinsko očitavanje potrebno je investirati u rekonstrukciju preostalih 667.587 mjernih mjesta za šta je potrebno osigurati oko 170 miliona KM. Godišnji budžet za investiranje u distributivnu mrežu iznosi oko 60 miliona KM, a osim rekonstrukcije mjernih mjesta, iz ovog iznosa se investira u priključenje novih kupaca, izgradnju i rekonstrukciju distributivne mreže (nadzemne i podzemne, naponskih nivoa 35 kV, 20 kV, 10 kV i 0,4 kV) i distributivnih transformatorskih stanica (TS 35/10(20) kV, TS 10(20)/0,4 kV). U toku 2021. godine je broj mjernih mjesta uvedenih u AMM uvećan za skoro 3.000.</p>	<p>Aktivnosti: Rekonstrukcija mjerenih mjesta ima prioritetan tretman prilikom odlučivanja o pravcima investiranja, tako da će se proces rekonstrukcije mjernih mjesta s ciljem uvođenja daljinskog očitavanja nastaviti i u narednom periodu u skladu sa raspoloživim sredstvima za investiranje.</p> <p>Rok: Kontinuirano, do kraja 2022. godine, ali i kasnije</p>

za Upravu Društva
Admir Anđelija



Broj: U-01-14086-1/22-183/16.

Sarajevo, 24.05.2022. godine